

KU KADESHI-BANIA

 Waali yoowede kapati, moyo wakwe wali kuzuzila kutandila mamaile ali nainte mu oora, mbokwali kulangika. Waali kutala ku ng'anda kaindi kainda, alimwi waali mu kaanda kasola ku cing'ung'una a kucibamba koonse.

² Elyo, ee, cindibikka kuyeeya Mukwesu Moore, cindi mulombe wakwe muniini, wa kati wakali kuyanda kukambauka. Wa kali kutandila myaka ili ciloba na lusele yakukomena, wa kazumanana kwaamba kuti, “Taa, Ndi yanda kukambauka.” Aboobo busiku bumwi, kumbele lya mbunga, Ba. Moore bakati, “Lino, nobantu,” kati, “Davida, ukkede awa,” ukkede atala awo mbuli mupaizi mudaala, nywebo mulizi, a mutwe wakwe kuulungumene koonse. Wa kati, “Walo uyanda kukambauka kaindi kaniini, sunumasiku.” Aboobo, wa kazuzila atala lya cibumbili. Kasotoka kuzwa mu cuuno cakwe, kazuzila atala alya, nywebo mulizi, a kwiimikila. Elyo wa kali kuyeeya kuti na kaumputa buyo ncobeni muli nguwo. Mpawo wa kalanga munzila imwi, a imbi, kati, “Ta cikabeleki buya,” wakajoa kukkala aacuuno.

³ Nda kabona ziindi zinji, Nda kayeeya kuti nicata kabeleka. Pele buyo . . . Eco cakali kabotu, nekuba.

⁴ Bamanyina bakali kunga batwiimbila, Mabel a Meda. Botelwa kubamvwa kwiimba alubo ciindi cimwi, inga tiimwayanda na? [Mbunga yaamba, “Ameni.”—Mul.] Ndila botelwa kubamvwa kabaimba. Ndiza tuyo bacitya kulibamba mu nkamu masiku Munsondo mutobela, a kindiimbila lwiimbo ndo bakali kwiimba cindi Ne kalikuzwa mu cikombelo. Sa mula luyeeya, lwa kuti—lwakali buti?

I miseenga yaka sanzigwa mu ndyato zya
matende
Ii Mweenzu . . .

Elyo mpawo:

Bayo boola kuzwa Kujwe a Kumbo, (Atu bone.)
Kuzo pobola a Mwaami, kulya mbuli baswayi
Bakwe.

⁵ Ndi yeeya kuti eyo nje nzila mbo yiimbwa. Yanda ku bamvwa. Mbangaye bayanda kubamvwa, kutandila masiku Munsondo mutobela, ikuti na tunooliko? Sa inga mwacita? [Mbunga yaamba, “Ameni.”—Mul.] Ee, masimpe. Mabel, sena nkoli? Sa nkwali, Doc? Uli mvwide, alimwi Meda uli kusule okuya, kutegwa bakonzye kwiiyaiya asyoonto. Nkaambo, basimbi bala bacija, kwainda kaindi, taba kaciti na? Mbo

mbubo. Kweelede kwiiyaiya asyoonto lino, a kutalika mvwiki eyi itobela.

⁶ Sunumasiku, nkelelemuka, alimwi kaindi buyo kaniini kaina, mukwasyi wali zwide, alimwi Nda endikke a Mwami, nkekomba aniini. Nde enzya kuselemuka kwindilila cikombelo cakaindi akubona myootokala kaindandeme awa. Nywebo mulizi, cileta buyo ziibalusyo zyakaindi, zya ciindi cilamfu cakainda, cindi nitwa kali kuba, omuno, kunjila, kuba a kuswaangana kupati, alimwi kumamanino mane tuu a thrii okuloko cifumo. I bantu bakkala buyo koonse, antoomwe.

⁷ Nywebo mulizi, bunji bwa baabo basikale bali atala awa mu cuumbwe sunu. Nda amba mibili yabo, pele bali mu Bulemu. Lino mazyalani ala zumanana kuboola, bana baniini loko kabakomena. Tali kalampi mane toonse tuno unkide. I nzyalani imbi iyo. . . i imbi, bana bakubusyi baya kubweza masena esu. Aboobo cileelede kuli ndiswe kupona mazuba oonse, taceelede na, nkambo buyo ka Mwami, Walo alikke.

⁸ Lino, Ndi lizi juunza mbuzuba bwa milimo ku bantu abo beelede kuzwa akuya ku ncito. Aboobo tuli. . . sola kuzwa kufwambaana sunumasiku. Sa mulimo wa lubbizyo, kufumbwa cintu citobela ceeci? Yaa.

⁹ Lino, eli Bbaibbele lyakale lilelekedwe ni maapu ya kutobela. . . kuzwa ku ntalisyo kuyaku—ku cuumbwe, a ku Julu, lweendo loonse do. Kwalo tula Li yanda, nkaambo Nzili jisi mpawo mpo tu jana bubambe bwa lufutuko lwaku kuvunina bali kulaale.

¹⁰ Lino, katutana ku Li jula, atu kanane kuli Mukamwini, kuciindi notu kotamika mitwe yesu asyoonto buyo.

¹¹ Taata wesu Wakujulu, twa Ku lumba, sunumasiku, kuli zyoonse zya citwa, kale mu kuswaangana, nkambo ziimbo a nkambo i. . . zyoonse zyaka citika kale. Alimwi tuli lumbide sunumasiku ku kubungana okuno kungsi lya ciluli ca buyake obu buniini, mu Zina lya Mwami Jesu, a cisyomezyo eci caluzyalo, cakuti, “Okobilo na botatwe nkoba bungene mu Zina Lyangu, Njo oba akati kabo.” Elyo tu lizi kuti Uli waano.

¹² Alimwi tuli kkomene loko kuziba, kuti, kumane myaka ili cuulu amyaanda ili fuka iya kukambaukwa kwa Makanimabotu, a—a makani aakale aamu inyika kaenda koonse, nekubaboobo Ucili mbubonya. Kucinca ciindi, kucinca bantu, kucinca cisi, kucinca kuyandisya, a kulanganya, pele Ucili mbubonya. Mpawo tuli kkomene loko kuli ceeco, sunumasiku, Taata.

¹³ Nkambo, tuli kkomene kuti inga twa libala Ijwi Lyako, a kubona obo Mbo kabede kaindi, a kuziba kuti tuli mukuswenena ku Taata nguonya, siluyando, uumvwisya akujatila wakeenda cimwi ciindi aankomwe zyamisenga ya Galilaya; wakabambulwa, kuti abweza busena bwesu, a kuba sizibi oyo wakafwa aa ciingano, mu busena bwesu, ku kulikulika

zibi zyesu Mwini, kuziyumuna kuzwa, nkabela zyaka sowelwa mu gehena. Lino musinsimi wa kati, “Nse kasiyi Buntu Bwakwe mu gehena, naanka kuti Nka lekele Oyo Wangu Uusalala kubona kubola.” Mpawo ku buzuba bwatatu wakabuka alubo, a kutanta kuya Kujulu, oko Nko kkala sunumasiku ku janza lyalulyo lya Bupati bwa Leza, ku kubamba nkombelezyo mu kulyaambilila kwesu. Mpawo tuli jisi nguzu a coolwe ca kulyaambilila kuti, cikono cesu cini cabugame cakaulwa kwindi ku Bulowa Bwako, kufumbwa cintu eco Nco kasanganya mu bukanze Bwako bwa lununuko cindi Niwa kafwa a kubamba mulungo ku Kalivari.

¹⁴ Elyo, sunumasiku, Taata, tu lomba cilongezyo cisalesale ca bamuzwamasi boonse abo babungene kungsi lya ciluli ano, sunumasiku, mu cikombelo.

¹⁵ Twa lomba, akwalo, Taata, kuli baalumi a banakazi, balombe a basimbi, abo bali aanze lya bwaato, sunumasiku, abo bata Ku zyi. Twa komba kuti Ube ambabo, akuba kwelela kuli Nduwe, sunumasiku, alimwi akube kuti Muuya Uusalala ukonkomona kapati ku myoyo yabo, a kuba kwelelezya kuli Leza Taata wesu. Ko cipa, Mwami.

¹⁶ Longezya mbungano aimwi a miswaangano yonse ili mukucitika mu inyika mboizulwa, isikati a sunumasiku. Alimwi akube kuti bakutausi boonse bananikidwe ku kambauka, a myoyo amatwi aa bantu apalulwa, kukumvwa a kumvwisya, nkabela Leza uyo tambula bulemu. Nkambo twa cilomba mu Zina lya Kristo. Amen.

¹⁷ Lino akube kuti Mwami ayungizye cilongezyo Cakwe sunumasiku, mbuli mbo tu boola ku ciingano, ku kuyiisya Ijwi aniini. Eci cibaanga nciyo ca kwiiya Munsondo.

¹⁸ Nywebo mulizi, Ndali kuyeeya, kaindi kainda, nke kkede atala alya. Nywebo mulizi, inga caba cintu cibotu kapati ciindicimwi, ikuti...Kuli buyake bupati butakwe cintu, kunselelo mu dolopo okuno, busena bwakale bwakusobanina butegwa Dream. Nda yeeyela inga bwakkazika bantu bali myaanda ili kkumi ayosanwe mu zyuulu. Elyo inga caba cibotu loko, ikuti na twa konzya kuba, ciindicimwi, na ndiza kuzumanana kwa Munsondo zisyoonto mu kuccililana, mvwiki zibee zyosanwe, akuba akuswaangana masikati Munsondo kwakuponya, mu busena bwakale kwakusobanina kunselelo okuya butegwa Dream, akubikka kuswaanganoa ku kapepele ku sitieshioni imwi ya mubusena, ku oora lyomwe. Ta kuduli maningi; kutandila madollar ali kkumi afuka, makumi obilo, cintucimwi mbuli ceeco, ku oora lyomwe. Njo botelwa ku cibbadelela, lwangu, alimwi ikuti na miswaangano yangu okuya iyo kugwasilizya. Ku kaambo buyo ka bantu beengelede awa beelede kuletwa mukati, a busena bubotu bwa kubatuma, ku basanduki.

19 Elyo, nywebo mulizi, elyo Nda ubotelwa loko mulumbe wa mweembeli wesu cifumo cino, wali kujatikizya “kuzela.” Lino Ndi lizi nyoonse mwacita. Kwalo mbo mbubo. Lino—lino twe elede kunjizya nswi mu kanyandi, mbuli mbwali kwaamba. Kwalo mbo mbubo, mwabona, weelede kubikka nswi mu kanyandi. Elyo mpawo, antoomwe, baa, tula imikila.

20 Lino, Mebo, mangolezya ainda, ku Mukwesu Junior Cash, Nda syoma zina lyakwe mbolibede, twa kali kutala okuya kuyo mu kambaukila, mangolezya ainda, kwalo Mwami wakaseluka mu nzila mbotu kapati. Elyo baka leta musimbi. I cintu biyo eco Nce kabona, eco cakali kukonzya kuba cabulenge, nco kakonzya kubona ameso ako, cakali aa cibumbili, wakali musimbi uusiya uzwa kumusanza mu cibeela zyaansi zyaku Indiana, kumusanza lya New Albany na kubusena bumwi, wakali mu ntenda, waka tendawidwe nsinga mu matwi akabeela kajwi, cakuti takali kukonzya kukanana na kumvwa. A nsinga ya bulowa yakali syanikizidwe amwi, ya kapa kulebuka ku lubazu lwakwe. Alimwi musimbi, banyina, walo kajisi zyeendelo zipati, kusola kumusololela kokuya. Musimbi buyo mukubusyi, ucili muniini, alimwi antela kali kkumi acisambomwe, cintucimwi mu bweende obo. Alimwi munzila imwi na imbi, Muuya Uusalala wakali kuboneka buyo kubikka Africa nkoonya kumbele lyangu. Mpawo Nda kailanga.

21 Lino Ndi jisi cilengaano cilembedwe moonya mu bbuku, kuti kubweeda ku Africa kuyooba kupati maningi kwiinda muswaangano mutaanzi waku Africa.

22 Elyo mpawo, bantu mukutaziba eco cakali kucitika, pele cilengaano cakali kucitika. Mpawo Nda kati, “Taata Wakujulu...”

23 Kutali kuti tulomba maleele. I Bbaibbele lyakati, “Ii nzyalani iikompeme aya bumambi iyandaula maleele.” Lino ta tuyandauli maleele, pele Leza ula cita maleele. Nkoonya ku ciindi nciconya Na kaamba ceeco, Wa kali kucita maleele. Pele—pele ikuti na twa yandaula, kweelela kubaa maleele, cintucimwi caku tutondezya, bumboni bumwi obo—obo mbo twa kafutuka, na cintucimwi mbuli ceeco; Nse syomi mu zitondezyo. Ndi syoma citondezyo cakuti twa kafutuka, twa kabweza Leza ku Ijwi Lyakwe. Eco nce cintu cibotu maningi Nce zyi. Elyo mpawo micelo ila tobela.

24 Lino, Nda ka Mu buzya ikuti na Uyo cipa nconzyo, mbuli i—mbuli citondezyo kuti cakali ciindi caku jokela ku Africa; kwalo, kukwabana kwesu kuya buba anguzu maningi ciindi coonse. Lino cindi ni twa kamu kombela musimbi oyo, waa kakonzya kukanana a kumvwa a kweenda. Cakali cibotu kapati kubona eco Mwami wesu ncaka konzya kucita.

25 Elyo aboobo tuli kkomene sunumasiku kuli ceeco, kuziba kuti oyo muunzi mubotu, kufumbwa awo mpo ubede, uli

kkomene kapati sunumasiku kubona musimbi oyo. Mbobuti mbo cakacitika, cindi nsinga zyoonse niza tendawidwe kuzwa kuli ncico? Mwabona? Taakwe nzila, pee. Peepe, taakwe. Ya kali koswedwe aku syanikizigwa, nsinga ku lulimi na kabeela kajwi, aku kumvwa. Kwalo, zyonse zili ku nsinga yomwe, pele yaka tendaulwa ku ntenda. Pele, Leza, mu nzila imwi. . .

²⁶ Mbangaye bakaliko kumvwa musimbi kakanana? Atu bone awa. Mbo mbubo. Nkabela waa kali kukonzya kukanana a kumvwa a kwaambaula.

Nda kali kunga ndaambaula *boobu*. Nda kati, “Sena wa ndimvwa?”

Waa kati, “Inzya.”

“Waa ndimvwa alubo na?” Nda kati, “Teeti, ‘Baama.’”

Waa kati, “Baama.”

Nda kati, “Teeti, ‘Jesu.’”

Waa kati, “Jesu,” a kuzumanana ncobeni a kwaambaula.

²⁷ Aboobo, Mwami mubotuloko tali Boobo na? Uuzwide luse.

²⁸ Elyo mpawo mukutaba ku miswaangano ya kuponya lino kwa mvwiki zyobilo, kubaanga kupa moyo wangu kuduntaana kabotu alimwi, ku kulibambila kuswaangana kumbi.

²⁹ Lino, muya mu Bbuku lya Myeelwe. Nda ciyanda Cizuminano Cakale. Elyo tulaba a ciyo sunumasiku, mu Bbuku lya Myeelwe lino. Myeelwe, capita 13 a kampango ka 30, kubala buyo kampango komwe ka ntalisyo, a kakutalikila.

³⁰ Lino mpawo, nywebo mwabona, ikuti na twa bala kampango komwe kuzwa mu Bbaibbele. . . Ndi zyi cintu eci comwe: ijwi lyangu liyo kakilwa, nkaambo Ndili muntu buyo. Pele eelyo Ijwi lya Leza tali kakakilwi, nkaambo Ndi Ijwi lya Leza. Elyo, aboobo, kampango komwe kuzwa Awa kalapa ntalisyo ikubwene eyo muntu aumwi uboola nkwata lelekwe, nkaambo mbuli buyo kubala kwa Ijwi.

Lino, mu kampango ka 30:

Lino Kalebi wakaumuzya bantu kumbele lya Musa, a kuti, Atu unke atala aciindi comwe, a kwiivuba; nkaambo tuli. . . konzya kwiizunda.

³¹ Elyo akube kuti Mwami ayungizye zilongezyo Zyakwe ku Ijwi. Lino, ciyo cangu sunumasiku ncakuti: *Ku Kadeshi-Bania*. Elyo ciyo eci nco tu jisi kusi lya kulanganya, ku ntalisyo buyo niini, kuleta ku kasena oko, ikuti na Mwami wayanda. . .

³² Conse eci, mubwini, tii cayeyeledwe kale. Ci kananwa buyo ku bunanike, mbuli mbo cipegwa. Nse kaunka ku cikilo kuya kwiiya ku cikambauka. Kwalo Nda kacisola, ziindi zyone na zyoanwe, nkabela caka nyonganya ncobeni kuzwa kuli ncico. Ta—Ta ndizi buya nzila ya kucicita. Pele, Ndila Mu yanda, alimwi

Ndi yaamina kuli Nguwe. Mpawo Ndi lizyi nyoonse mula cita, anywebo.

³³ Aboobo, lino, ku matalikilo, eci ncifwanikiso, cakuti Leza...Ii cisobano cipati camu Bbaibbele, eco Leza nca tubambila mu ncililano awa, nkambo kwalo kwiinda kuli ceeci inga twajana coolwe. Nda syoma, omuya mu Bahebrayo cipati 10, na cipati 12, kati, “Mukubona kuti tu zungulukidwe makamu mapati aa bakamboni, atu bikke ambali zitucelezya zyoonse, a zibi zitunamatila kapati, kutegwa tu zuze muzundano ku lukakatilo oyo uubikkidwe kumbele lyesu, kulanga kuli mukamwini a sikulomya wa lusyomo lwesu, Mwami Jesu Kristo.”

³⁴ Lino, coonse Cizuminano Cakale, aboonse bantu Balyo a bube, zyakali zimvule buyo zya zintu zyakacili kuza izya i—i cintu, na ntalisyo ya Cizuminano Cipy, ya kaswaanganya mulao aboobu bubanze antoomwe. Bantu banji bakatondeka kuli ceeci kuba mbuli bubanze bwa Bunakristo, pele embo. Obu mbubanze bwa Muuya Uusalala. I bubanze bwa Banakristo bwakatola myaka yotatwe a myeezi ili cisambomwe. I mulao wakatola myaka misyoonto ili myaanda. Alimwi mpawo bubanze bwa Banakristo mbo bwakaswanganya, na kujoinisya, Cizuminano Cipy a Cakale antoomwe.

³⁵ Lino ziindi zinji, omuya mu Bbaibbele, tula bona, alimwi ziindi zinji tu tondeka ku, “I Incito zya Baapostolo,” mbo litwa. Ndila yanda lyoonse kutondeka kuli ndilyo kuba “I Incito zya Muuya Uusalala mu Baapostolo.” Nkaambo, baapostolo bakali bantu buyo, pele wakali Muuya Uusalala mu baapostolo, kauleta mulimo Wawo. Lino Muuya Uusalala ngo Muuya wa Mwami Jesu Kristo oyo wakaselukila aa Mbungano, kukuzumanana milimo ya Mwami Jesu, mu kuunka Kwakwe. Ngwa kupa Mumuni wa Makanimabotu, mu mumuni muniini, kwiinda mbo wakabede cindi Kristo nakali waano.

³⁶ Mbuli mweezi a zuba. I mweezi ulazwa, akupa mumuni zuba nolitako, kusikila wa konzya kuzwa alubo, mpawo mweezi ula bbila. Alimwi zuba walo mumuni uumweka maningi, cakuti ula uzimya mumuni wa mweezi. Pele niinzi mumuni wa mweezi? Kwalo nkutondezegwa kwa zuba ku mweezi.

³⁷ Alimwi eco cili mbuli Kristo. Cindi Na kaliko ano, Wa kali Mumuni wa inyika. Wa kazwa, a kujoka kumwekela Mbungano Yakwe, ku kutondezwa Mumuni Wakwe mu inyika asunu, kuba Mumuni wa kweendela mo kusikila Aka bweede. Lino mpawo zyoonse zilanganisigwa ziyo pegwa kuli Nguwe. Kumane Uyo kkala aa cuuno cabwami ca Mwaami Davida, a kulela kwalyonse a kwalyonse.

³⁸ Lino, Cizuminano Cakale mukuba cikozyanyo cibotu, tula kozyanisya kuya a kubona zintu ezyo zyoonse kazicitika ku bantu, kuti twa konzya kulangila mikozyanyo.

39 Lino, Leza muba ulyeendelezuya... Alimwi mbuli Mbweli kuyiisya buyo sunu mu ng'anda omo Mwe tambilidwe cisuusulo. Ba kaliyanda kuziba ikuti na inga baya kubaziba bayandwa babo cindi bakubaswaana mu Bulemu.

40 “Baa,” Nda ti, “nincobeni, tuyo baziba.” Mwabona, tuli—tuli mu ii. . .

41 Tu jisi mibili yotatwe yandeene njo tukkala mo: Umwi ngwa buntunsi, umbi ngwa kujulu, a umbi ngooyo wakapegwa bulemu. Lino mpawo na tuli zibene mu mubili wabantu, mubili uufwika, nkunji buti nko tuyo uziba, umwi aumwi mu mubili wabulemu!

42 Cili mbuli kuti mulao wakonzya kuleta cintu cibotu, ncintu cipati buti luzyalo nco lukonzya kuleta, nkaambo ndupati kwiinda mulao!

43 Alimwi ikuti na mweezi ulakonzya kuleta cibeela cimwi ca mumuni, nkunji buti zuba nkoliyo mweka cindi lyaboola! Kwao tuyo zibana ncobeni.

44 Lino cili mbuli buyo, mbuli Mbwe amba, tula zumanana kusumpuka mu luzibo, mbuli bantunsi. Ulizyi kunji eno kwiinda mbo wakacita cindi nokali mulombe na musimbi muniini, nkaambo wiindila kuba musongo loko. Lino mukowa oonse wabantu uya bwiindila kuba musongo loko. Pele, sena mwakabona, bwami bwa banyama tabwiindili kubaa busongo loko? Nywebo mulizi, mupona mu ng'anda mbotu lino kwiinda syanyookulu mbo bakacita. Antela bana bako bayo pona mu ng'anda mbotu kwiinda njo jisi lino.

45 Pele calino buyo, Nda syoma, mu *Reader's Digest* na kubusena bumwi, Nda kali kubala caano oko nkoba kabweza kayuni kaniini kategwa wreni, aku kabikka mu cizangala, kakutakwe cakuyasya citeente. Mpawo kakatula maji ako aa cibuye ca cizangala. Kumane aka konkolwa, kuba tuyuni tuniini tutegwa wreni. Lino baka bweza tuyuni tuniini tutegwa wreni kutubikka mu cizangala, kakutakwe cintu cili coonse kuyasya citeente. Cindi niba kaba tukonkozya, kwa nzyalani zili kkumi azyosanwe, nzyalani zyandeene zili kkumi azyosanwe, kubona ikuti na nikaakonzya cinca bupange. Mpawo, oko inga kwatola myaka ili kkumi ayosanwe, nkaambo tuyuni tuniini tutegwa wreni tuba biyo a citeente comwe ca maji mu mwaka. Lino kwiinde myaka ili kkumi ayosanwe, baakajulila kamwi kayuni kaniini kategwa wreni, kaatola busena bwankako, kwa—kwa myaka ili kkumi ayosanwe, tiika kajisi bwizu bwa kuyasya citeente, neciba cintu comwe; a kubikka aka kayunu kanniini kategwa wreni mu busena, elyo cintu citaanzi ncoka kacita nkuuluka a kuyaka citeente. I bayuni bakayaka ziteente zyabo mbuli mbo bakacita mu muunda wa Edeni.

46 Pele muntu ula zumanana kusumpuka, ula zumanana kuba musongo loko. I coonse... Syanyookulu wako, mbuli Mbwe amba, kaunka kuyo bona banyookulu, mu cikocikala cang'ombe.

Bauso bakaunka kuyo bona banyoko, kabeenzya mbizi a cikoci. Nda kaunka kuyo bona mukaintu wangu, muu modelo-T Ford. Mwana wangu musankwa ujisi ya lweendo lomwe lwa eiti-silinda, kufumbwa mbomu yiita. Antela bazukulu bayooba a jeeti pleni.

⁴⁷ Eyo nje nzila, tula zumanana kusumpuka, nkaambo tu jisi buntu. Lino, kayuni taka jisi buntu. Pele swebo tu jisi buntu. Ta tuli cilenga; pele tula konzya kusandulasandula. Lino, ta tukonzyi kulenga masamu; pele inga twa bweza masamu, Leza nakamana kwaalenga, a kupanga ng'anda kuzwa kuli ngawo. Nkaambo, tuli zisyuukila zya Leza, bana balombe abasimbi iba Leza. Takukwe makani obo mbo tuwide, tu ceelede kuziba kuti tuli bana balombe abasimbi iba Leza. Mu ciimo cesu cakawa, tu cili bana balombe abasimbi.

⁴⁸ Leza aapa cisyomezyo; Leza weelede kucibamba cisyomezyo eco. Oh, Nda syoma mwa cibona. Ikuti na mwakonzya biyo kumvwisya, nombungano, sunumasiku, a kwiibaluka, inga kamuta nounki kuzwa ku munsende kuyaku cikunguzyo, a kusangana mbungano *eyi* a mbungano *eyo*. Inga kamuta noyandauli zintu zya inyika, kukuletela misaalo. Inga kamuta noyandauli kuzwa ku musaangano umwi wa kuponya kuya kuli umbi. Inga mwabweza Leza ku Ijwi Lyakwe, a kuziba kuti kwamana. Ninconzyo. Cindi Leza aapa cisyomezyo, Ta konzyi kuzwa ku cisyomezyo eco. Uli—Uli sinikizidwe kulibamba Ijwi Lyakwe.

⁴⁹ Nda kamvwa muntu umwi kati ee, inga—inga bawa, a kujoka, nkabela inga wacicita eco. “Ee, Ndili sweekede kuli Leza.” Ikuti na wakasola kujanwa kubaa Nguwe, toka sweeki kuli Nguwe, nkaambo Leza takonzyi ku kufutula elyo mpawo Wa kusaandila a ku kufutatila. Ikuti na Wa cita, Uzunda bukanze Bwakwe mwini. Aboobo, Ta konzyi kucita ceeco. Aboobo cindi Leza. . .

⁵⁰ Tuya buba basongo loko, pele Leza wakali mupatikampatila kuzwa kumatalikilo. Wa kali londokede. Ta indili kuba musongo kapati. Ngu mbobuca lyoonse. Aboobo, ikuti na buyumuyumu bumwi bwabuka, nkabela Leza wakacita *boobu-a-boobu* ku buyumuyumu obo; mpawo ikuti na buyumuyumu mbubonya bwabuka alubo, ikuti na Ta citi mu nzila njionya, Wa kalubizya cindi Na kacita *awa*. Mwabona? Aboobo We elede kuba mbobuca, ciindi coonse, kakutakwe kulanganya musela uli oonse.

⁵¹ Nzila bantu mbo bakonzya kupandulula a kusola kugwisya Nguzu zya Buleza, Nse konzyi ku cimvwisya. Nkaambo, ikuti na Kristo ngu mbobuca nguwenya, sunu, amuya myaaka, Nguzu Zyakwe zili mbubonya, kulanganya Kwakwe kuli mbubonya. Alimwi mbuli buyo Mbwa kabede kaindi, Mbwa bedede lino,

alimwi uyooba obo kwalyoonse. Ta kukonzyi buya kugwisya cintu kuzwa kuli Nguwe. Kwa mana.

⁵² Alimwi ikuti na Wa kabuka mu mazuba aa lweendo Lwakwe lwaanyika, a kuponya baciswa abo bakali kwiindilila kukumamelwa kwa madokotela, a kuba ponya; ikuti na Wa kacita munzila eyo mu buyumuyumu obo, ikuti na Ngu mbobuca nguwenya, sunu, amuya myaaka, We elede kucita munzila njionya asunu, nape Wa kalubizya ku bantu abo. Mwabona?

⁵³ Ikuti na Wa kapa cisyomezyo kuya, alimwi wakacita kukkala a ncico, Wa pa cisyomezyo *awa*, We elede kukkala a ncico. We elede buyo kucicita. Kunyina cintu cilubide kuli Leza, a cisyomezyo Cakwe. I cilubide cili muli ndiswe, kubula lusyomo lwa kucisyoma, naku Mu bweza ku Ijwi Lyakwe.

⁵⁴ Lino, nywebo mwabona, ikuti ni twa jisi bumpyungi bwa kayuni, inga twa lilemeka mbuli mbo bakacita ku matalikilo.

⁵⁵ Pele, tula songwaala maningi, tu pandulula Ijwi lyoonse kuti taliko, a kwaamba, “Oh, cakali buzuba bwakainda,” elyo twa kayaka musyobo umbi wa ciimo. Mubusena bwa kubweza Leza ku Ijwi Lyakwe, tu talika kabunga kapyo. Mwabona? “Ee, *eyi* nje nzila Leza njayo cicita, alimwi *eyo* nje nzila Leza njayo cicita.”

⁵⁶ Ikuti na swebo, mbuli buyo bayuni, nkabela tii twa kacinca, alimwi tii twakali aa mbaakani ya kulisalila cakucita, notu bweza buyo Leza ku Ijwi Lyakwe, nkabela eco ncinga cacibamba, nkabela kwamana. “Leza wakaamba boobo, aboobo nku koonse kuliko kuli ncico.” Obo mbo cili cibotu, kujana kuti Leza muumi wabwini ucipona asunu. Akati ka lupyopyongano loonse, nekubaboobo Leza ucipona a kulela.

⁵⁷ Lino, aba bantu ba cipangano, ba Israyeli, kumusanza mu—mu Egepita, ku kaambo ka kutamvwa, a kusambala munyina Josefa. Mpawo bakatolwa kumusanza mu Egepita, nkabela bakali kookuya kwa myaka ili myaanda yone, kungsi lya bwaange. Ndi yanda kuti mubone, tiiba kasweekeledwe cipangano cabo. Ba kasweekeledwe lwaanguluko lwabo, kutali cipangano cabo. Cindi Leza nakapanga cipangano kuli Abrahamu, Izaka, a Jakobo, cakuti Wa kakonkezya kuli Lwakwe kuti Uyo movuna Abrahamu a lunyungu lwakwe kuzwa nguwe, Leza ulisinikizidwe kubamba cisyomezyo eco.

⁵⁸ Elyo Uli sinikizidwe buya kuli nduwe, aa cisyomezyo eco, mbuli Mbwa kabede kuli Abrahamu, aa cisyomezyo. Mbo mbubo, ikuti na uli Lunyungu lwa Abrahamu. Mbobuti mboba lunyungu lwa Abrahamu? “Swebo notufwide muli Kristo tu sama Lunyungu lwa Abrahamu,” mbo lyaamba Bbaibbele, “alimwi tuli baswaana kweendelana ku cisyomezyo,” mpawo Leza uli sinikizidwe buya kuli nduwe mbuli Mbwa kabede kuli Abrahamu. Kwaamba, eco inga cagusya kuyoowa koonse kuzwa kuli ncico! Leza tayandi kuti muyoowe cintu cili conse. Amu yaamine cakusinziza ali ceeco Nca kaamba.

⁵⁹ Nco tu yandikana sunu muntu umwi uyo zundikizya oora ndyo tuponamo. Mbo mbubo. Mu buzuba cindi lukazyo a zintu zyoonse zimbi nizyaka sobelela mukati, kungsi lya zina lya bukombi azimwi zimbi, a kungsi lya zina lya lufutuko, a Makanimabotu, tu yandikana muntuumwi abuke akati kesu, mbuli Leza mbwa kabusya Musa kutola busena mu buzuba obo. Iyi.

⁶⁰ Tiiba kasweekeledwe cipangano cabo. Ba kasweekeledwe lwaanguluko lwabo. Ba kali bazike, pele cipangano cakaciliko.

⁶¹ Alimwi buzuba bumwi kumusanza okuya, cindi nibakali kutongela a kulila, kungsi lya basikubelesya bana Egepita, nkaambo bakabede bazike. Ndi yanda kuti mubone cifwanikiso eci cibotu. Elyo eci inga caba cibotu kuli basitulaolao. Amuswiilile. Leza taka selemuka a kuti, “Lino, ikuti na muyo cita cintu *citenene*. Ikuti na muyo cita cintu *citenene*.” Luzyalo lwa Leza lwakapa mufutuli, Musa. Mbo mbubo. Kwiina ziimo zili zyoonse Musa nzya kaletwa, cita ku luzyalo lupatikampatila, Leza wakatuma Musa. Kutali biyo mufutuli, pele luzyalo lwakapa movuni; kakutakwe mulao uli oonse, kakutakwe cintu cili coonse. Luzyalo buyo lusetekene ilwa Leza, Wa katuma Musa kumusanza kuba ii—ii movuni a mufutuli wa cisi, waku bagwisya.

⁶² Cindi Nda yeeya ceeco, mpawo Ndi katalika kuyeeya kuti Leza nguwenya, oyo wakali antomwe a bantu ba cipangano mu Egepita, masimpe uli...Kungsi lya kuminwa atuncimwa tonse mbungano moibede sunumasiku, Uyo cita, ku luzyalo lwa Bupange Bwakwe mwini, kutuma movuni. Tuli masimpe kuti tula jana kutilwa kwa Muuya Uusalala, mu mazuba aya akumamanino, mbuli mbo tukkede mu mbungano eyi sunumasiku. Leza wakabeleka ku bantu ba cipangano, kakutakwe nguzu zyabo zimwi. Pele, Wa katuma cabuyo kuzwa ku Julu, kuya ku bantu Bakwe ba cipangano, mucito wa luzyalo. Ku kulyeendeleya kwa cisyomezyo Cakwe, Wa katuma Musa.

⁶³ Alimwi mu buyumuyumu mbubonya, cindi bantu nibakali mu bwaange, a kungsi lya zintuzyonse, i jokwe lya cibi, a kuciswa a mapenzi asunu; Uli masimpe buya kutuma Jesu Kristo ciindi cabili, mbuli Mbwa katuma Musa mu ciindi citaanzi. Cindi buyumuyumu ni bwakabuka, Leza wakabeleka mu luzyalo lupatikampatila. We elede kucita cintu nciconya kungsi lya mucito nguonya, nape Wa kalubizya cindi Na kacita kaindi okuya. Mwa cibona?

⁶⁴ Eco Nce sola kusika kuli nceeci. I cibi cipati maningi Nce jana mu Mbungano sunu nkutasyoma. Eco nce cibi cilikke ciliko. Taakwe cibi cimbi cita kutasyoma. Ncinji buti mu busiku obo, nkunji buti kusiya? To konzyi kwaamba kuti, “*Nkunji* boobu kusiya,” cindi cazwa mu maanza angu kulasiya koonse.

⁶⁵ Lino kuli nzila yomwe biyo ya kubon a kuziba cibi. Oko takuli kuti ula nywa, na kufweba, na kuuma njuka. Kula bonwa munzila *eyi*: nkaambo nduwe sikutasyoma, ucita ceeco. Alimwi obo mbwini. Nkaambo uuma njuka, nkaambo ulabeja, nkaambo ulabba, ezyo zintu tazili zibi. Eyo micelo ya cibi. Nku kaambo kakuti muli nduwe kukkala muuya wiindene. Ikuti na wakali musyomi, musyomi muyumu, zintu ezyo nizyali fwide a kusiya mbuli busiku mbo bubede kumbele lyako. Ninconzyo. Mwabona? Ezyo zintu mbube bwa kutasyoma.

⁶⁶ Mu Musalali Johane cipati 3, Jesu wakaamba, kuti, “Oyo uuta syomi wazulwa kale.” To siki nokuba ku ntalisyo ntaanzi. Wa pegwa mulandu, kuzwa kumatalikilo.

⁶⁷ Aboobo, ta caambi kuti weelede kuba a kasamu ka kweelekelela mu mbungano yako, “Ikuti na wacita *ceeci*; ikuti na weelekele ku milao *eyi*; ikuti na weelekele ku mulao *oyo*.” Ziindi zinji, bantu bayo bikka ambali zintu ziniini mbuli ezyo, kuti kabano zulilwa ku mbungano; kakuli cintu cicili mu myoyo yabo, nkabela bala sobelelela koonse a kucicita. Pele ciindi muntu nawa kkwaniisa zyelelelo izya Leza, alimwi wazyalwa lwabili ku Muuya wa Leza, ezyo zintu zya kagusigwa mu buumi bwakwe. Ta yandi ku zicita.

⁶⁸ Sa inga mwayeeyela ngulube? I ngulube yaunka ku cilwi ca buloko, nkabela iyalya. Nse—Nse ipi mulandu. Ni ngulube. Eco nce ciibamba kucicita. Pele tamu kakonzyi kubamba kabelelele kucita ceeco. Nkaambo, kuli bulenge bobilo. I ngulube ijisi bulenge bomwe, a kabelelele kajisi bulenge bumbi. Mpawo kufumbwa kuti wakonzya kubamba bulenge obo mbubonya mu ngulube eyo, takukwe makani mbo sola kwiisanzya, inooli bupange mbubonya nkaambo ni ngulube, kuzwa kumatalikilo.

⁶⁹ Elyo nkikaako, ziindi zinji, tula bweza bantu a kubaleta mu mbungano, azimwi zimbi mbuli zeezyo, kuba bamba kuba mamembala, kakuli kwiina niba kafutuka.

⁷⁰ Ako nke kaambo asunu, kuli kunyongana kuli boobo, mbuli kumeso aa bantu, ta baizi nzila yaku nyonena. Bala bona bantu kababanda Bunakristo, nkabela taakwe lwandaano kuzwa ku inyika. Nkaambo kakuti muntu tana boola mu kukwabana, na kusola kuzyalululwa, tanninga kumu tambula Mwami Jesu, tanninga ku Mu syoma. Kwayanda baka nyanyamukwa. Kwayanda baka zyana. Kwayanda bakoongolola. Kwayanda bakanana mu myaambo. Kwayanda bakacita zintu ezi zyoonse, pele tabaninga boola ku Muntu, Kristo Jesu, alimwi akuzyalululwa ncobeni. Mu myoyo yabo, zintu ezi zyakafwa, bupange bwaka cincwa, alimwi muntu mupya wazyalwa.

⁷¹ Lino, cindi Musa nakakomena, wa kakaka kwiitwa kuti mwana wamwana musimbi wa Farao. Kumane boobo wa kajaya muna Egepita. Pele Leza wakali anguwe kubana Midiani, nkabela waka mujosya. Lino mu busyu bwa citeo eco cakali

kuyaka mulilo, buzuba obo, wa katambula luzibo olo lwa kakkala a nguwe cindi conse nakali kupaona. Elyo mbuli Mbwe kaamba masiku ainda, mbubonya Nda amba asunu, kuti muntu... takukwe makani obo Musa mbwa kayiisigwa kabotu, obo mbwakazi lwiiyo lwabukombi, obo mbwa kali cizo cibotu ca mbungano. Kwalo wa kajisi mwiiyi mubotu, banyina. Wa kakomezegwa kungsi lya mulao oonse wa lwiiyo wakali kukonzya kuletwa. Wa kali mwana wa mwaami. Pele nekubaboobo, kasola muli lwakwe, waakakilwa kucikonzya kuzwidilila. Pele mu maminiti osanwe kali mu Busyu bwa citeo cakali kuyaka mulilo, wa kaba muntu mupya. Cintucimwi cakacitika.

⁷² Eco nco tu yandikana sunu, mu maseminari esu, taluli lwiiyo lunji lwabukombi lwaku yiisigwa, pele luzibo lwa citeo ciyaka mulilo, oko bantu nkobasika kumbele lya Leza aku Mu swaana busyu ku busyu. Tu yandikana sikuzundikizya sunu mbuli ngo twa kajisi mu buzuba obo. Eco nco tu yandikana mbaalumi a banakazi abo baka swaana Leza, abazi eco nco baambaula. Kutali muntuumwi kasola kuyiisya kuzwa ku bbuku limwi lya mbungano, na lwiiyo lumwi lwabukombi lwa boonse. Eco nco tu yandikana sunu, muntu wakali mu busyu bwa citeo ciyaka mulilo, wa kazyalululwa, a kucincwa a kupangwa kuba cilenge cipya. Oyo ngo musyobo wa muntu ngo tuyanda sunu. Oyo ngo musela wa muntu uyo kkala mu mundando waku dubwida, kakutakwe kulanganya eco ciboola na kuunka.

⁷³ Musa, nakamana kutambula kulaililwa kwakwe, nakaselemukila mu Egepita kuyo vuna bana ba Israyeli. Bulubizi bomwe bupati mbo tu jana, a cintu comwe cipati. Mbuli mbo cakabede mu buzuba obo, mbubonya mbo cibede asunu. Cindi, tu jana kuti Musa wakainka kumusanza kuyo gwisya bana ba Israyeli a kubaleta, cikankamanisyo cakacitwa.

⁷⁴ Lino nceeci we. Nse yandi ku mucisa, nse yandi ku muzungaanya na kumunyuka lukanda, pele Ndi yanda kukambauka Bwini. Kuli cintu comwe cijatikizya ncico, mukwesu, Bwini tabu kakubambi kuba simpuwo, pele Bwini buyo kubamba kuba uusyomeka. Eco nce ncintu cimwi cibotu. Sa inga tosala kusyomeka kwiinda kuba simpuwo? Nincobeni inga wacita.

⁷⁵ Lino, Ndi yanda kuti muzibe, kuti, cindi cikankamanisyo nicakacitwa, maleele akacitwa, zitondezyo a zigambyo. Lino cindi niba kazwa, Bbaibbele lyakati, "Ii nkamu isangene yakaunkilizya," nkamu ya bantu basangene. Bamwi babo, basyomi; bamwi, bali cengeezya kusyoma. I-i maleele mapati aka citwa. Bantu bakaunka mbuli basyomi balibanda buyo, kwalo teeba kali basyomi.

⁷⁶ Lino mpe mpawo nkamu mpati ya mapenzi esu mpoibede asunu. Inga twa bikka munwe wesu ali njiyo. Balo mbaalumi a banakazi baboola mu mbungano a kulibanda kuba basyomi,

kakuli tabali basyomi. Nda kacijana mu cikambaukilo. Nda kacijana mu mundando wa mipailo. Nda kacijana koonse, oko baalumi nkoba njila, a banakazi, oyo uti, “Ndili musyomi,” eno kalibanda kuba musyomi, kakuli tabali basyomi.

⁷⁷ Elyo nce cakatalisya mapenzi kuli ba Israyeli. Cindi niba kasika ku busena, cakuti baka jana kuti bantu aba bakaunkilizya. Masimpe, cigambyociinda caka citwa.

⁷⁸ Nce ncico nco tu jana mu zilawo zyesu sunu, mu mabungano esu, Leza aboola aa cilao. Ula baponya baciswa. Wa kabusya bafu. Wa kajula meso aa boofu. Ula bamba basinkematwi kumvwa, basyataambi kukanana. Ula baponya balema. Ula gusya makkulenge kuzwa ku bantu. Tu... Eco tacikonzyi kukakwa. Oko nkwiinda kuli bali zyuulu. Ciindi cimwi cakatalika, kuzwa mpoonya awa aa Eighth a Penn Street, elyo lino kuzunguluka inyika a mililo ya lubukulusyo ili zyuulu zili kkumi kaisuka mu zilundu zya masi onse abahedeni aku masena ambi. Zitondezyo a zigambyo zili mukucitwa. Zintu zipati zili mukweenda. Leza mu kweenda! Tuli ku ciindi camamanino, ciindi ca maswaanino.

⁷⁹ Aboobo tu jana kuti, muli ceeci, kuunka nkamu iisangene. Ziindi zinji, bantu ba Leza kabaamba kuti, “Iiyi, Ndime. Ndiyo cita *ceeci*.” Mpawo tu jana kuti bantu abo bakali basinyama. Kuminwa kuniini biyo kutaanzi nikwa kasika, ba kayanda kujokela mu Egepita. Ba kali kuyanda mipika ya galiki. Ba kali kuyanda nswi zizwa mu mulonga. Ba kali kuyanda liiki a galiki. Ba kali kuyanda zintu nzo baka jisi kumusanza mu Egepita.

⁸⁰ Eco ncikozyanyo cibotu a cilondokede ca membala wa mbungano yakunyama sunu. Ula ziyanda zintu zya inyika nkaambo tali wa Leza. I Bbaibbele lyakati, “Ikuti na uyanda inyika na zintu zya inyika, luyandisyo lwa Leza talumo akwalo muli nduwe.” Lino Kristo uli moonya mu kaambo Kakwe koonse. Obo mbwini. Asunu tu jana bantu kabaunka ku... .

⁸¹ Oh, Nda lombozya Leza, bumwi, konzya kubikka ceeci ku lubazu lwa lumwesi, kungsi lya kabambo kasanu, aku cilosezya ansi. Ii muntu, takukwe makani kunji nkosola kulicengeezya, cindi casika ca kuminwa, muntu uyo tondezya tubeela twakwe tubotu maningi a tubbi maningi nali kungsi lya kuminwa. Bweza Munakristo ciindicimwi, a kumubikka kungsi lya kuminwa a kulangilila obo mbwa lilemeka, nkabela inga waziba eco nca pangidwe aco. Bantu boonse inga baba babotu, bantu boonse inga bamulumbaizya Mwami, kuciindi Muuya Uusalala nouli mukuwa mu mbunga ya bantu; pele lekela penzi liyutuke, a kulangilila cicitika, langilila eco cicitika mpawo. Mpawo, sa uli mukuwa koonse? Sena uli umwi wa nkamu iisangene? Sa uli muntu ulya utakonzyi, mbuli bwaambe bwa mu tugwagwa kuteeti, “Konzyi ku cibweza”? Nce ncico, to konzyi kucizunda. Mukwesu, ikuti na ujisi nzila eyo, ya kuwa munzila zyandeene,

amu bubotu abubi, nkaambonzi tobooli ku Kalivari a kufwa do kuli lwako, a kuzyalululwa ku Muuya wa Leza? Amen. Mause kuli ndinywe; nywebo nomulyaamba Bunakristo, nywebo nomupona mu mabungano anu.

⁸² Ta tujisi mamembala okuno. Ko boola buyo okuno. Uzulilwa ku mabungano oonse aindene.

⁸³ Pele, nywebo nobantu balibanda kuba Banakristo, kakuli upona cintucimwi cilaanze mbuli mbo mutabede, muli nkoloto ku bukkale bwabantu mu Mwami Jesu Kristo. Amen. Nywebo nomulibanda kuba Banakristo, nkabela mufwabweeme ku Mu bweza ku Ijwi Lyakwe, na kulungulula ku Nguzu a bulemu Bwakwe, ku ciindi cili coonse, muli nkoloto ku Zina Iya Mwami Jesu Kristo. Amen. Obo mbwini. Mbo mbubo. Amwiimikile ku Ijwi. Mubbile na kunyikila, amwiimikile aa Ijwi Lyakwe.

⁸⁴ Abrahamu wakacita kucicita, a kwiita zintu ezyo zyatakaliko, mbuli kuti zyakaliko. Mpawo wa kasyoma Leza, nkabela kwa keelezegwa kuli nguwe ku bululami.

⁸⁵ Nco tuyandikana sunu nkugwisya cifuwa campanda akubikka moongola muyumu mu Bunakristo. Nko uli. I cintu nco tu yandikana Mbanakristo bakazyalululwa, baalumi a banakazi, abo bayo, cindi bakubona penzi kalibuka, kuta loboka, kutali kuwa, kutali kutijila mu nzila *eyi*, kaba basicaabilo wa ndilyo, pele oyo mwaalumi na mwanakazi uyoimikila a kutondezya bube bwakwe. Nobaba beenzinyoko bayo kulumba loko ikuti na uyo cita boobo.

⁸⁶ Mwaalumi nzi, ulya utalumbi mwanakazi? Abe ugalankene mbuli lubaya lupangidwe kuzwa ku bulongobwakali kukandwa aabamvube. Abe ugalankene mbuli mbwa konzya kuba, pele abe mulindu mu ciimo ceelede ca kwiiminina kulilemeka kubotu kwa banakazi. Taakwe muntu, mu cisi, oyo utaka mupi bulemu, ikuti na ujisi bupange ncobeni bwa mwaalumi muli nguwe.

⁸⁷ Lino ikuti na mwaalumi walanganya ceeco, mukuba mwana wa Leza wakawa, ino Leza Mwini uyo yeeya nzi kujatikizya mwaalumi uyo imikila aa kulamwa kwakwe, kwiita ciluleme kuti “ciluleme,” a cilubide “cilubide.” Nco tu yandikana sunu ndubukulussyo lubotu, lwa ciindi cakaindi, lwa Musalali Paulo, a Muuya Uusalala wa Bbaibbele kujokela mu mbungano.

⁸⁸ Kuli kukompana oku kunji kucitika, mu zina Iya Bunakristo, mu bugusye, kabungwe kanji, lwiyo lunji loko lwabukombi, kwiya kunji loko. Alimwi Nse soli kwiiminina... Bantu ta beendi, nekuba, cakusunkuta mbuli mbungano mboibede. Njeeyi we. Mbuli cakusunkuta mbuli mbungano mboibede, lwiyo taluli makkilacci ako. Lusyomo lwako ni kkilacci yako. Amen. Yaa. Lwiyo talu kaciciti. I kabungwe taka kaciciti. Takukabi kabunga kayo sola kusintanya luzibo lwamu ng'anda ya mujulu. Takukabi cikolo ciyo sola kubweza busena bwa Pentekoste. Ta cikonzayi kuba. “Kutali ku nguzu, kutali ku

bukoze, pele ku Muuya Wangu, mbwaamba Mwami.” Nce ncico nco tuyandikana sunu, kujokela ku luzibo lwa Bbaibbele. Banakristo abo bakazyalululwa, a kusanzigwa mu Bulowa bwa Kabelele, kubambwa kutuba, ba kalengululwa, bakazyalwa lwabili. Eco nyika ncoi yandikana sunu: lubukulusyo, lubukulusyo lwa ciindi cakale, musyobo oyo Musalali Paulo ngwa kajisi mukati kutandila A.D. 66.

⁸⁹ Lino, mukwesu, mucizi wangu, tula langilila nkamu eyi iisangene kaitanta. Kwiinde kaindi, ba katalika kutongauka.

⁹⁰ Eco ncencico nco tu jana mu bweende bwa Leza boonse. Eco ncencico nywebo noba Methodististi nco mujana mu mbungano yanu. Eco ncencico nywebo noba Baptististi nco mujana mu mbungano yanu; nywebo noba Presbyteria, ba Pentekoste, kufumbwa mbo mubede. Mula bajana. Ni nkamu iisangene. Obo mbo cakabede. Cindi John Wesley naka jisi lubukulusyo, kaindi mu sentuari ya seveintiini, nkamu iisangene yaka njila. Cindi Martin Luther naka jisi lubukulusyo, nkamu iisangene ya kinkilizya. Cindi ba Baptististi, kwinda kuli John Smith, naka jisi lubukulusyo, nkamu iisangene ya kinkilizya. Cindi Pentekoste niya kajisi lubukulusyo, nkamu iisangene ya kinkilizya. Lino nce ncico ncobeni ciibamba kuleka kubeleka. Ikuti nibwakali buzumini, bwini ncobeni, nibwa kakkala mu mbungano, alimwi niba kabombela aba bamwi kuzwa, nkabela niba kazumanana. Inga kucinooli lubukulusyo mu Methodististi, Baptististi, Presbyteria, a mbungano ya Pentekoste. Ni nkamu iisangene.

⁹¹ Ba kazwa. Mbo baka sikila buyo okuya, ba katalika kutongauka. Ba kali biyo mu lukula myeezi yotatwe, ba katalika kwaamba kuti, “Oh, ikuti ni Nda jisi galiki! Ikuti ni Nda jisi liiki!” Ba kali kokuya, alimwi baka sintanya cakulya ca Baangelo ku galiki, nkabela bakali kutongauka. Nkaambonzi? Kulya kwabo kubotu tii kwakali kukonzya kutamfunya (konzya) cakulya ca Baangelo.

⁹² Eelyo nde penzi asunu. Ta tunabede a lubukulusyo lwa Muuya Uusalala lwa ciindi cakale, alimwi kulya kwesu kubotu ta kukonzyi kutamfunya, lubukulusyo lutolelela, lubotu, lwa Muuya Uusalala wacyianza cakaindi. Kkaunta; tu yandikana bulembo bwa busilike ibwa Dokota, obo mbusilike bwa dokota Jesu, obo buya kutubamba kabotu. Nincobeni.

⁹³ Taba jatilili. Bala zumanana; bala jokela. Cintu buyo ciniini citaanzi cipasuka; nkutongauka, nkukwankwana, kunyongana. Ba bweza. . . Ii mbungano eyo iibweza cimwi ca zintu kutalika, cili mbuli kkulenge. Iyo ijaya mbungano yoonse. Mbo mbubo. Twe elede kutalisya ceeco kutalika a ku cigusya.

⁹⁴ Lino, kakuli tii bakaunkide kulaale. . . Lino amuyeeeye, kabalya cakulya ca Baangelo, cakaseluka kuzwa ku Julu, nkabela bakali kutongauka. Lino bakali kunywa meenda kuzwa

ku Mwaala wakaumwa; meenda anjoloma, aasalala aa Buumi, nkabela bakali kutongauka. Ba kali kuyanda maanzi aa ntimba yamu Nile.

⁹⁵ Mbo cibede asunu! Bantu balati, “Oh, omukambausi, toyandi maningi kuwiilila kulanganya kwa bamwi. Yebo ugusya misaalo yonse kuzwa mu mbungano, cindi waunka kukambauka kulwana musyobo wa zintu *ezi* a musyobo *oyo* wa cintu.”

⁹⁶ Mukwesu, ikuti na mbungano ya kaimikila awo mpo ilibanda, sunu, inga kai noyanda zintu zya Leza, a kusulaika zintu zya inyika. Kabaa nkamu iisangene, eelyo nde penzi sunu. Ii nkamu iisangene, bantu abo bayanda zintu zya inyika, alimwi bayanda kubota antomwe a mbungano. Eco nce cibapa kulifumpula a kuwa. Eco nce cijala miswaangano ya mipailo. Eyo nje nzila, yaka bunganisigwa a misyobo yoonse ya makkale mu mbungano, a kugusya cipaililo kuzwa ku zyuuno zya kumbele. Elyo mulilo alikke ngo ijisi uli mu kaanda kaansi. Eco nce caambila mukambausi kukambauka maminiti ali kkumi aosanwe, a kucibamba kuzwa ku malozari na bayuni basubila, na cintucimwi.

⁹⁷ Pele, Nda mwaambila, Mbungano ya kazyalululwa iya Leza muumi iyanda kumvwa Makanimabotu. Nkaambo, muntu wakazyalwa ku Muuya wa Leza, Jesu wakaamba kuti i... “Muntu taka poneni ku cinkwa cilikke, pele ku Ijwi lyoonse lizwa ku mulomo wa Leza.” Ncobeni wakacita.

⁹⁸ Nkamu iisangene! Ba kainkilizya. Iiyi. Ba kasiide masena abo mapati akuli kankaizya kwamu Egepita, kuli kankaizya mu mizeezo yabo ya mbono, mu zibelesyo zyabo zya mincina, mu sayaansi yabo ya masilike, mu nzila njo baka jisi mu mincina yabo. Ba kali kulikankaizizya masena abo. Ba kasiide ceeco, kweenda a Musilisi mupati, nkabela baka cili kutongauka.

Sa eco tacili buyo mbuli nkamu iisangene asunu?

⁹⁹ Alimwi cintu citaanzi mulizi, ba kaboola ku busena butegwa Kadeshi-bania. Kadeshi-bania ncuuno ca lubeta, cakali cuuno ca lubeta ica inyika. I zina lini lya busena, bupanduluzi bwa ndilyo, bwakali kuti, “kasensa kapati maningi” ako kakali kubwabuka kwiinda mu nkamu eyi ya masamu aa palumu ayo akaimvwi mu lukula, oko twaanda tuniini, tutekwa munzi, busena bwa kukkalila bwa cisi ca bantu, na bantu basyoonto. Lino ambali awo, kwakali tusensa tuniini twakali kubwabuka koonse, twakali kutabula kuzwa kuli kaaka kasensa kapati maningi.

¹⁰⁰ Ino ncifwanikiso cibotu ca mbungano, omuya mu lukula, oko zintuzyonse nko zyakali kusika ku Kadeshi kuzo jana maanzi. Zintuzyonse zyakali kusika ku Kadeshi, kuzo jana maanzi. Lino nkikaako, kasensa komwe kapati, ka kali kusanina kasensa kambi. Eco ncikozyanyo caku Julu. Eco ncikozyanyo ca cuuno ca lubeta ica Leza, oko lubeta nko litalikila ku ng’anda ya Leza.

Elyo oko kasensa aka komwe kapati nko kakasanina, alimwi tusensa tumbi tuniini twa kali kuzwa kuli nkako, caamba, “Julu mukuba cuuno ca lubeta ica Kristo, nkabela mabungano oonse kaapa buumi, maanzi, mu cuuno ca lubeta,” kufumbwa bantu nko baboola ku mbungano kuzo betekwa.

¹⁰¹ I penzi lya ncico ngu, sunu, bantu bala boola ku mbungano nkabela baumauma kusule, a zintu. Nku kaambo kakuti balapa mu mutiba wa mulumbo; nkaambo kakuti bakaba bamadaikona; nkaambo bakaba cintucimwi cimbi, ca mbungano. Na, kumwi, inga beenzya mootokala mubotu loko, na kukonzya kusama zisani zibotu, na—na cintucimwi mbuli ceeco. Ula lemekwa akuumwaumwa kusule.

¹⁰² Mukwesu, nco tu yandikana sunu mbakambausi bamwi bacyanza cakaindi abo bayoita kusiya “kusiya,” a kutuba “kutuba.”

¹⁰³ Mbuli Johane Mubapatizi, cindi na kazwa mu nkanda yaku Judaya, ta kasamide kabotu loko. Wa kasamide kakutu ka mbelele, bbelule wacikutu, kasamide cikobela cakkutu lya nkabele cakazwide boyu. Lino wa kayutuka kakambauka kweempwa. Alimwi cindi Heroda nakabweza mukaintu wa munyina Filipo, nkabela waka mukwata, kaboola okuya ku muswaangano. Inga ndayeeyela daikona kati, “Uta kambauki aa lukwatano a kulekana sunumasiku, nkaambo kuli muntu mulemu uli akati kesu sunumasiku. Uta citi cintu mbuli ceeco.”

¹⁰⁴ Sa inga mwayeeyela muntu wakatambula Muuya Uusalala mwida lya banyina, kasola kusisa cintu cili coonse eco cakali cibi? Johane Mubapatizi wakatambula Muuya Uusalala myeezi yotatwe katana zyalwa. Ta kali kuputa, mwida lya banyina. Kukanana kutaanzi kwa Zina lya Jesu, wa kasotoka akuputaputa mwida lya banyina. Sa inga mwayeeyela muntu wakatambula Muuya wa lubbizyo lwa Muuya Uusalala, myeezi yotatwe katana zyalwa, kulimvwanya ku zintu zya nyika?

¹⁰⁵ Wakeenda cigaminina nkoonya kubusena a kubikka munwe wakwe kungsi lya mpemo yakwe, a kuti, “Ta cili mu mulao kuli nduwe kumukwata.” Eyo nje nzila. Ca katolela mutwe wakwe. Pele tafwiki, sunumasiku, uli akati ka bakanununwa abo, mu inyika imbi. Ameni. Eco tacili campuwo, pele Mbwinini. Ameni. Amubone!

¹⁰⁶ Muta yoowi cindi Nda amba, “ameni.” Lyaamba kuti, “Akube boobo.” Inzya. Mbo mbubo. Lino, Ndi lizi Ndila botelwa aniini, mu ziindi zisyoonto. Muyeeya kuti Ndili boteledwe, pele Nseli obo. Ndi lizi awo Mpe bede. Ndi lizi cigaminina awo Mpe bede, kuziba eco Nce kanana. Ndili muzyi Oyo Ngwe kanana; Mwami Jesu Kristo. Amubone obo mbocili cibotu!

¹⁰⁷ Lino ba katalika kunyontauka a kutongauka, mpawo kumalekelo baka letwa ku Kadeshi. Lino cindi niba kasika ku

Kadeshi, eci cuuno ca lubeta, lubeta, mpawo cintu coonse caka bunganisigwa antoomwe.

¹⁰⁸ Kwalo buzuba bumwi bwabulemu, elyo Nda syoma kuti buzuba obo buli afwaafwi ndyoonya lino, cindi kwanooli kwandaana akati ka ciluleme a cilubide. Alimwi Nda syoma inga Nda tondezya kabotu, kwinda kubwami bwa Lugwalo, kuti caando ca munyama a Cizibyo ca Leza, na bantu ba Leza, kuyo citika cainoino, alimwi nokuba lino kucitika. I caando ca munyama ncaando ca buzangi. I caando ca munyama cakali baabo bakakaka ciluleme; baka donkolwa mu mutwi, kuti kabano lubile buzuba bwabo boonse. Abo batambula Cizibyo ca Leza, ndu bapatizyo lwa Muuya Uusalala. Baefeso 4:30 ilati, “Muta penzyi Muuya uusalala wa Leza kuli nguwo mwa kaandwa kusikila ku buzuba bwa lununuko lwanu.” Cisika kubusena awo muntu mpa takonzyi kwiiminina bubotu bwaakatikati limbi. Mbo mbubo.

¹⁰⁹ Mbuli buyo mulombwana kasola kuyaku Julu. Wa kajisi matiketi masyoonto. I muntu waka mubuzya cindi na kakkwelede citima, kati, “Ino matiketi manji loko ngazyi?” Limwi lya ngawo lyakali lya Methodisti, limwi lyakali lya Baptisti, limwi lyakali lya Kristiani Sayaansi, limwi lyakali lya Seventh-day Adventisti, limwi lyakali lya onse. Kati, “Nkaambonzi nco jisi matiketi aya onse manji?”

¹¹⁰ Wa kati, “Ee, Ndila kwaambila, omunene.” Kati, “Umwi wakazumanana kwaamba kuti *eli* lyakali luleme, a *leelyo* lyakali luleme, lino Nda kabasoleka boonse.” Kati, “Ndali kuyeeya kuti inga Nda leta tiketi kuzwa kuli umwi aumwi wabo.” Pesi wa kazulwa.

¹¹¹ Mukwesu, kuli nzila yomwe biyo ya kusika ku Julu, eyo nja kwiinda muli Kristo Jesu, muku zyalwa lwabili kwa Muuya Uusalala. “Muntu nata zyalululwa, taka njili mu Bwami,” wakaamba Mwami wesu Jesu Kristo. Amen.

¹¹² Ino mbuzuba mbo tuponamo, omweenzuma! Ino nciindi nco tuponamo! Ino nkucinca! Ino nkuzungaana! Leza lyoonse waka isimpikizya Mbungano Yakwe. Leza uyocita, lyoonse! Ta ndaambi kuti boonse kaba boola ku Branham Tabernacle. Ta ndaambi kuti boonse baunka ku Wall Street. Ta ndaambi kuti boonse baunka ku mbungano ya Bunakristo, na kufumbwa mbungano. Nda amba kuti Leza, mu mbungano aimwi, uli jisi mamembala Aakwe, Uli jisi mamembala Aakwe aazululwa mu Mubili Wakwe oyo wakazyalululwa. Lino mbe mbaba basyomeka kuli Leza. Mbe mbabo bamuyanda Mwami Jesu a myoyo yabo yoonse, alimwi abuntu bwabo boonse. Muvo bajana kababala Bbaibbele lyabo, mu muswaangano wa mipailo, kucita zintuzyonse nzo bakonzya zya Bwami bwa Leza. Mbo mbubo.

¹¹³ Pele nkamu iisangene iya buzundikizya, kwiindila kapati, a kusola kubajosya mu zintu zya inyika. Eco nco tweeleda kuba

aco sunu ngu Kadeshi-barnia imbi, mbo mbubo, awo lubeta mpo litalikila.

¹¹⁴ Mpawo ncinzi cakacitika? Kora wakabuka a kuti, “Kuli bantu banji basalala kunze lya Musa.” Elyo wa kabunganya nkamu mpati antoomwe. Elyo wakaunka kubusena mpawo a nkamu eyi mpati, akuti, “Tuli basinsimi. Alimwi tuli *boobu*, alimwi tuli *boobo*.”

¹¹⁵ Lino ncinzi cakacitika? Leza wakaambila Musa, kuti, “Lyandaanye lwako kuzwa kuli nguwe.” Mpawo Wa kajula nyika aku bamenana. Ayo akali mamanino a basikutongauka, a mamanino aa bantu abo bakaunka antomwe a Kora.

¹¹⁶ Mpawo ncinzi cakacitika? Leza wakati, “Tuyo ku...” Kaambila Musa kuti, “Tuma basikutwela bamwi kuyo twela nyika, oko nko tuya, oko Nkwe kamusyomezya.” Ikuti na Leza waka baambilide kuti yakali nyika mbotu, ikuti na Leza wakapede zisyomezyo Zyakwe zyoonse, eco cakalibonya mbuli kuti cakeelede kukkutya uli onse, ikuti na Leza wakaambide boobu.

¹¹⁷ Lino, tuyo—tuyo, ciindi coonse, koongolola kuti, “Alumbwe Mwami,” kuli ceeco. Pele, mukwesu, Leza nguwenya wakabapa cisyomezyo ucitupa zisyomezyo zyoonse ezyo Nzya kabapede. Nkaambonzi ncou cizumbauzya?

¹¹⁸ “Ino usola kwaamba nzi, Mukwesu Branham? Sa ni nkamu iisangene?” Iiyi, nconzyo, mbo mbubo. Ni nkamu iisangene. Lino tuli ku Kadeshi ndyoonya lino, awo mpoya... [Kabeela katakwecintu aa teepu—Mul.]

¹¹⁹ Bantu balemu mu cisi! Twa kajisi Jack Schuler, Billy Graham. Twa kajisi Oral Roberts, Tommy Hicks, Tommy Osborn. Twa kajisi bantu banji basinguzo abo bakafumpa koonse akoonse ku cisi eci. Lino, sunumasiku, kuli zilawo zinji zyakusambalila makoko kunzaacuulu kwiinda mabungano aliko. Nkabela zilazumanana kuvula. Ino ndipenzi nzi? Kuli nkamu iisangene.

¹²⁰ Andi kwaambile cintucimwi. Muta lekele cisi eci kwiitila biyo oora lyomwe, ku buzuba bumwi, bwakubikka ambali nkambo ka miswaangano ya mipailo, oko kutandila pesenti yomwe ya cuulu nkobayo sola kujanika muli njiyo. Mulekele cisi eco coonse cisandukile kuli Leza, akumwaya zilawo zyonse zyakusambalila makoko kunzacuulu, kumwayaula masena onse akukondweda makeza, aku mwayaula masena onse aamakwebo amakande, zintu zyonse; akugwisya zibbudula ezyi zijata zyakaindi zyatombe kuzwa ku banakazi, akubamba kuba mulandu wacisubulo kuzisama mu tugwagwa; a kusalazya muunzi, a ng’anda, a mbungano; a kubikka bakambausi kunze lya cikambaukilo, mubusena bwa misyobo imwi ya ‘balekiccala; kucitya lubukulusyo lwa ciyanza cakale kuboola, oko baalumi a banakazi nkobayo itila Leza, tu yooba a lubukulusyo luyo fumpa

nyika, alimwi mbukwabilizi bubotu loko mbo twa kasola kuba abo. Nce cintu cilikke mu inyika ciyo lesya maatomiki bboomu. Uli jisi ciyusilo ca mabbomba, kungsi lya mababa Aakwe. Amen. Mbo mbubo. Amubone.

¹²¹ I Kadeshi-bania yakaboola ku busena oko kwa keelede kuba lubeta. Lino Musa wakasala bali kkumi ababili, omwe kuzwa ku mukowa aumwi, nkabela wa kabatuma kuyo twela nyika.

¹²² Cindi niba kajoka, Nda lombozya nimwa bubona bulunguluzi! “Oh,” ba kati, “ni nyika mbotu. Oh, ni nyika mbotuloko. Ikunka mukupa a bucci.”

¹²³ “Pele,” bali kkumi akati kabo bakati, “ta tukonzyi kwiibweza. Ta tukonzyi kwiibweza. Oh,” kati, “twa kaswaana i—i bana Amori, bana Midiani, a—a bana Kenani, aboonse abo. Baa, tu boneka mbuli cisozi, ambali lyabo. Balo mbalombwana bapati ncobeni. Alimwi miinzi yabo yoonse iyakilidwe malambo, alimwi kwiina nzila kuli ndiswe ya kusola kunjila. Oh, myoyo yesu ili mukuwizuka mukati kesu. Ta tukonzyi kwiibweza.” Elyo, kukusala kwampuwo ya bantu, bantu baka butambula.

¹²⁴ Pele mpaawo kwakaimvwi bobilo alya, umwi wakaulikidwe kuti Kalebi, a umwi wakaulikidwe kuti Joshua, abo bakajosya cikama ca magirepu, cakatolela baalumi bobilo kucibweza. Kalebi wakati, “Amu litontozye nobeni, kumbele lya musinsimi. Amu litontozye nobeni.” Wa kati, “Tula konzya loko kwiikona. Atu inke tuka kaibweze, cakufwambaana!”

¹²⁵ Eco tu yandikana mu oora eli muntu wa kuzundikizya cisyomezyo ca Leza kumbele lya bantu. Leza wakasyomezya kutilwa kwa cilongezyo ca pentekoste mu mazuba aakumamanino, Nda amba kutilwa kwini kwa pentekoste, kwalo nciindi caco cakusika. Imbi Kadeshi-bania yasika. Iiyi, munene.

¹²⁶ Ba kati, “Inga twa cicita kabotu. Masimpe, inga twa cicita.” Ino cakali cinzi? Abo basimbungano bakandu bakali kulanga ceeco ncabakali kukonzya kubona kubelesya meso abo, pele Kalebi a Joshua bakali kulanga ku cisyomezyo ca Leza. Ta ndikwe makani akukazya nkoba kajisi, nzila mabbabbani mapati mbwakali kulibonya, nzila mabaya mapati mbwakali kulibonya, bakali kulanga buyo ku cisyomezyo ca Leza.

¹²⁷ Lino mwaalumi a mwanakazi oonse sunumasiku, oyo uyanda kweenda a Leza, uta bikkili maanu kuli ceeco inyika nco yaamba, naa tula konzya na ta tukonzyi; Leza waka cisyomezya, nkabela eco cila cibamba. “Leza wakaamba boobo!” Nda ciyanda eco. Cindi Leza aamba boobo, eco cila cibamba kwalyonse.

¹²⁸ Nda mwaambila, sunumasiku. Twa jisi kulicengeezya kunji kwa bubeji. Twa kajisi buzumini kunji bwakupanga panga. Twa kajisi zintu zinji zya kaunkila mweebwa. Nincobeni. Dyabulosi lyoonse ubikka bazoloji bakwe kumbele lyanu, mbuli

cikozyanyo buyo cakuyoosya bantu. Twa kajisi Pentekoste ya bubeji. Twa kajisi mvula ya bubeji. Twa kajisi *ceeci* cabubeji a *ceeco*.

¹²⁹ Pele akati ka kabeela konse kaco, kuli lubbizyo lwini lwa Muuya Uusalala. Kuli cilongezyo cini ca pentekoste, alubo. Kuli kuponesegwa kwini kwa Buleza. Kuli Muuya wini. Kuli bantu beni. Mpawo nciindi ca kumaccing'a. Mbo mbubo.

¹³⁰ I bantu, baliku oora lyapanga muzeezo lino! We elede kubamba kusala kwako. Eyi mbungano yeelede kubamba kusala kwayo. Muntu aumwi ulaboola ku busena oko kuli oora lya kupanga kusala. Kwakali ciindi ciyandisi cakasika awo mpo keelede kubamba kusala kwako. I cuuno ca lubeta, mpo kabede. Wa kacita kwaamba kuti, "Nda zulwa," na, "Nse zulwa." Cindi wano imvwi kumbele lya mubetesi, weelede kubamba kusala kwako.

¹³¹ Mpawo, sunumasiku, Branham Tabernacle yeelede kubamba kusala kwayo. Tuyo zumanana na kujoka. Mbo mbubo. Mu jokela ku galiki a—a liiki, a zintu zya Egepita, na muyabuya kuli Cakulya ca Baangelo, ku nyika ya cisyomezyo oko Leza nkwakapa cisyomezyo. Tuya buya ku lubukulussyo lwa Muuya Uusalala, lwa ciyanza cakaindi; nape uyooba mukompami, weendauka, akukwalakwala apele mbuli kayuni ka robini, kusikila ku buzuba mboya kufwa. We elede kubamba muzeezo wako. To konzyi kuzumanana. "Nkaambonzi nco mwiimvwi akati ka mizeezo yobilo?" wakaamba Eliya. "Na Leza ngu Leza, amu Mu belekele. Ikuti na Tali Leza, nkokuti muta Mu belekeli."

¹³² Ikuti na luzibo lwini lwa Leza ndo lugwisya cibi kuzwa ku moyo wa muntu, kutali kuzulilwa ku mbungano, na kuzulilwa ku mukowa, na kuzulilwa ku kabunga, kwalo Nkwe tajisi cintu ca kwaamba kulwana, zintu ezyo zili kabotu. Ikuti. . .

¹³³ Lwiiyo tali kaluleti pe. Twa kasola ziindi zinji nkabela twa kaba buyo mikalo iisweka. Twa kayeeya, cindi cimwi, ni twa kajisi ba Big Four, kuti niba kaumuzya lumamba lonse. Tii baka luumuzya lumamba. Ba kajisi kusweka muli mbabo. Twa kayeeya, ciindi cimwi, kuti mabambe aalwiiyo ayo futula inyika yoonse. Mpawo twa kaiya, alimwi tu jisi nzi? I nkamu ya batasyomi mukuba leza ibayiide. Mbo mbubo ncobeni. Twa kayeeya kuti nsangano nizya kafutula inyika ciindi cimwi. Lino twa boola kujana kuti basimilandu babyaabi maningi mbe tujisi bakazwa muli zeezyo zitegwa nsangano zyabo. Lwiiyo a nsangano tazi kaifutuli inyika.

¹³⁴ Kuli biyo Mufutuli omwe wa inyika, nkabela obo Mbulowa bwa Jesu Kristo oyo wakatilwa cabuyo ku Kalivari, ku kujatilwa kwa zibi zyoonse ezyo muntu nzya kasola kucita. "Wa kayaswa nkambo ka nsotoko zyesu, kacuzaulwa nkambo ka milandu yesu, kukomwa kwa Yakwe...luumuno lwesu lwakali aali Nguwe, alimwi ku mibunda Yakwe twa kaponesegwa." Nda

zundikizya onse mwaalumi na mwanakazi, mu Zina Iya Jesu Kristo, kubweza Leza ku cisyomezyo Cakwe, sunumasiku, a kubona ikuti na cili luleme na cililubide.

¹³⁵ Nda kabona bafu kababusigwa; cindi madokotela niba tantamuka, akubaamba kuti balifwide. Nda kabona boofu kababambwa kubona, bakali boofu kumaninina kwa myaka a myaka. Nda kabona basinkematwi, a boofu, a basunkuta, a balema; ku bbansa, a kusotoka, a kulumbaizya Mwami. Nda kabona basibwaamu kabazwa mu tugwagwa a kubambwa kuba balindu. Nda kaba bobana bakolwi kazwa mu mahoolo akuumina njuka, amasena azibelezyo zya inyika eyi a kubambwa kuba balombwana balome a basalali. Nda zundikizya uli onse muntu kuleta cintucimwi cimbi eco ciyo cita ceeco.

¹³⁶ Nda kabona bantu bakabweza Bakolwi Bakanyonganisigwa makoko a kusola kubagwasya kuba kabotu. Kayaswa nyeleti, kubweza zintuzyonse, alonse lwiiyo lwa kulilemeka kwa mizeezo mu inyika, a musyobo wa bamadokotela bakayiide maningi abo bakali kukonzya kujanwa kubapa kusilikwa, pesi baakakilwa. Lina Nda kabona abo bantu mbabonya kababwezwa ku Bulowa bwa Jesu Kristo, a kubambwa kuba basalali ba Leza, abakambausi iba Makanimabotu. Amen.

¹³⁷ Muyeeya kuti Ndili mubumbulusi uusalala? Ndiza Mbwe bedede. Mbubo! Pele ikuti na citola zina Iya “mubumbulusi uusalala” kujana luzyalu kuli Kristo, a kusampaulwa ku inyika, mpawo Ndili umwi wabo. Mbo mbubo. Amulange. Nda Mu yanda.

¹³⁸ Yebo ujisi muzeezo wa kubamba. Uli ku Kadeshi, yebo wabona; wabona, konzyi kwiimikila kwa ciindi cilamfu. Nkaambonzi ncimvwi akati kakuyeeya kobilo? Nkaambonzi mbungano ncota suki mulilo? Nkaambonzi busena ncobu tazwide bantu? Nkaambonzi zitondezyo a zigambyo zipati nco zitacitwi? Uta cibikki ku mweembeli. Ndo nduwe. Tu jisi nkamu iisangene; imwi ikwelela nzila yomwe, a imwi imbi. Mweelede kuboola ku ciindi cakubamba muzeezo. Ikuti na mweembeli, mu mutande, mu mugwisye akubikka umwi umbi mukati uya kubweza busena bwakwe. Ikuti na ngu daikona, amu mugusye mu bboodi a kubikka muntuumwi umbi mu busena bwakwe, uyo bweza busena. Ino uyo cita nzi, omukwesu? Leza wakabikka mulimo aali nduwe. Nce ncico. Elyo tuli jisi, umwi aumwi, weelede kuyoopu bulunguluzi ku zibi zyesu mwini, a kwiingula ku Buzuba bwa Lubeta. Tuli mu Kadeshi-bania!

¹³⁹ Lino Ijwi Iya Leza Iyakati inga twa ibweza. Ijwi Iya Leza Iyakati inga twaba a lubukulusyo. Ijwi Iya Leza Iya kaamba kuti Uyo buka mu mazuba aakumamanino, zyoonse ezi awa zitondezyo a zigambyo. Nkabela Wa kacicita. Muntu aumwi aime mu busena bwakwe, pele cintu nco tweelede kucita nkuba antoomwe a kutalika lubukulusyo. Ino inga twa citanzi?

Muzeezo wako inga wasika lino. Muzeezo wako inga waboola ciindi cimbi. Pele ikuti na waboola lino, ncibotu waingula kuli nguwo. Yebo wati, “Oh, mukwesu, Ndili . . . Ee, Njo bamba muzeezo buzubabumwi.” We elede kuubamba. Kwalo ndyoonya lino nce ciindi cakuubamba. Kuli ciindi nimwa kajisi . . .

¹⁴⁰ Cindi nokali kweenda a mukaintu wako, omukwesu wangu, wa kacita kubamba muzeezo naa wakali kuyo kwata na pe. Wa kacita kubamba muzeezo. Inga caboola, bamwi kabaamba munzila eyi kuti, “To elede kukwata.” Bamwi balati, “Ee, ncibotu wakwata.” Umwi wati, “Ee, uno kkomene kapati ikuti na uli kwete.” Aumbi wati, “Uli mukutenda kameneno kako.” Zyoonse ezi zintu zyandeene. Wa kacita kubamba muzeezo. Mbo mbubo. I mbeta, zya Kadeshi-bania, zya boolela nduwe.

¹⁴¹ “Ndiza bamwi banu awa beelede kulekwa.” Kweelede kuba ciindi, ciindicimwi, kwiimpana nikusika ku mukwasyi. Kweelede kubambululwa, munzila imwi. Weelede kubamba muzeezo. Andi kwaambile, omukwesu wangu, sunumasiku, muzeezo wakubamba, ngwakuti, yebo a mukaintu wako mugwambatilane maanza, aku kotama kumbele lya Leza, a kufugama, a kubamba muzeezo kuti muyo mubelekela Jesu Kristo, alimwi Walo alikke, nkabela nkuta zilanganya kulekana ziyo yumina ncobeni. Nconzyo! Ta kuyandikani kwaambaula kuli loya wako. Kubandika a Mufutuli wako nko kuyandikana. Mbo mbubo. I loya inga wakupa kukulwaizya, pele Mufutuli inga ku kufutula. I loya inga wakupa lwiiyo lwa kulilemeka kwa mizeezo, kwiiya kwakwe kwakulimeka mu mizeezo, pele Jesu Kristo inga wakupa luzyalo a luyando Lwakwe. Luyo tola busena bwa coonse caco.

¹⁴² Ikuti na uli cisidwe sunumasiku, weelede kubamba muzeezo, naa uyo mutambula Kristo mbuli musilisi wako, na pe. To konzyi kuba mukompami loko, kuno sowa ciindi ancico. We elede kwaamba kuti, “Ndila Mu syoma,” na, “Tandi Mu syomi.” “Ndi laba kabotu,” na, “Nse konzyi. Nse jisi lusyomo lukubwene lwa kuba kabotu.” We elede kubamba muzeezo wako.

¹⁴³ Ikuti na nduwe sizibi, sunumasiku, weelede kubamba muzeezo wako. Uli ku Kadeshi-bania. Uli ku busena bwa cuuno ca lubeta.

¹⁴⁴ Ino oto tusensa tuniini twakali nzi? Alo mabungano, kaiminina, ayo akazwa, oko lubeta nko lwakatalikila ku ng’anda ya Leza. Jesu wakaamba boobo. I—i Bbaibbele lya kaamba boobo. Lubeta lutalikila ku ng’anda ya Leza. Tuli mu ng’anda ya Leza, sunumasiku, mpawo weelede kubamba muzeezo wako.

¹⁴⁵ We elede kubamba muzeezo wako, naa ula boola kuli Kristo, na ula Mu kaka sunumasiku. Sizibi oonse omuno weelede kubamba muzeezo oyo ndyoonya lino.

¹⁴⁶ Ula zwa ku mulyango oyo, koli mwaalumi na mwanakazi uli kabotu kwindi obo mbobede cindi nonjila, nape ula zwa koli

mubi loko kwindi mbobede cindi nonjila. To konzyi kwiimikila koli akati sunumasiku. We elede kuubamba.

¹⁴⁷ Eci cakali ku moyo wangu, lino cili aa. . .Ca kali ku moyo wangu, lino cili mu janza lyako. We elede kubamba muzeezo wako. Kwalo weelede kubamba muzeezo. Ndiza wakali membala mubotu wa mbungano. Ndiza lyoonse wakali kusukamina kuyanda kunji kwa Leza. Kwayanda wakali kuyanda kucita cintucimwi kuli Leza. Yeeya, unooli muntu ufwika lomwe, nkabele eco ciindi comwe calo nciindi biyo noyakuba muntu ufwika. Lino eci inga caba ciindi nco elede kubamba muzeezo wako. Uyo sala kweenda a Leza, na kukkala awo mpobede.

¹⁴⁸ Inga weelela kubamba muzeezo wako sunumasiku. Ikuti na kuli boobo, Nda komba kuti usowe kulekezya zintuzyonse. Yeeya, Ta ndikwe makani mbo cibede, ikuti na ni ncito, ikuti na mukwasyi, ikuti na mbayandwa, ikuti na mbalongwe, ikuti na mbabesinyokwe, na kufumbwa mbwabede, lekezya zintuzyonse. “Oyo ubikka janza lyakwe aa pulau, alimwi mpawo kucebuka, taeleli kulima.” Mbo mbubo. “Amu bikke ambali zimucelezya zyoonse a zibi zimu lamatila kapati.” Ino ncinzi eco? “Amu bikke ambali zimucelezya zyoonse, a kutasyoma oko ku munyonganya cabuteteete, mpawo kuzuza muzundano oyu a lukakatilo, oyo uubikkidwe kumbele lyanu.”

Atu kombe.

¹⁴⁹ Taata Wakujulu, mu Zina Iya Jesu Kristo, Mwana wa Leza, Nda leta mulumbe oyu muniini ku kujala, a kuusowela aa myoyo ya bantu. Yebo ozyi moyo wa baalumi boonse a banakazi boonse, Yebo ozyi moyo wa mulombe a musimbi oonse, uuzyi myoyo ya boonse. Uli zyi moyo wangu. Alimwi lweendo loonse kuzwa ku cikambaukilo kusika kuli sikulanga mayake, Mwami, Ulu uzyi moyo wa muntu oonse. Uli lizi eco nco tu bulide, ta tuzi. I cintu comwe biyo nco tuzi, tu lizi kuti tu yandikana Jesu.

¹⁵⁰ Alimwi, O Kristo wa Leza, sa inga Wa syomezya (peepe, Mwami) a kuta cizulizya? Wa kati, “Okoko bobilo na botatwe nkoba bungene mu Zina Lyangu, Njo oba akati kabo. Alimwi ikuti na bakalombe cintu cili coonse mu Zina Lyangu, Njo cicita.” Ino nkuzundikizya ku mbungano yesu, Mwami! Ino nkuzundikizya ku nsangano yesu! Ino nkuzundikizya ku bantu besu, sunumasiku, oko Nko katupa! “Ikuti na mwabula cintu cili coonse, amulombe Leza. Uyo cipa.”

¹⁵¹ Lino Nda komba, Oyandwa Taata Wakujulu, kuti, sunumasiku, kuti Utile Muuya Uusalala cabuyo, wa kulamwa, a kulamya myoyo yoonse ku kubula kwayo. A wangu, a nguwo, Mwami, mbuli mbo tu Ku lindila, mu Zina Iya Kristo.

¹⁵² Lino kuciindi notu kotamikide mitwe yesu, mucizi ula tupa bulile bwa piano. Ndila mubuzya mubuzyo. Eci inga caba ciindi cako ca kusala.

153 Mbangaye omuno, sa kuli mwaalumi na mwanakazi omwe, mulombe na musimbi, oyo tali Munakristo, walo sizibi? Mpawo uyanda kubamba muzeezo wakuli Jesu Kristo, alimwi ulimvwa kuti Cintucimwi cilakonkomona ku moyo wako ku ciindi eci? Sa inga watambika janza lyako ku muzeezo wako, a kuti, “Nda bamba muzeezo wangu lino waku belekela Kristo”? Leza aku longezye, omunene. Kulu umbi na? “Nda bamba muzeezo wangu lino.” Leza aku longezye, omulindu muniini. Kulu umbi? Leza aku longezye, kusule okuya, omulindu muniini.

154 Umwi umbi, wabamba muzeezo wako? “Ndiyo mubelekela Kristo lino. Nda boola ku mamanino. Nda boola ku buyumuyumu bwakusala. Eli nde oora. Ndili ku Kadeshi-bania. Leza uliimvwi mu moyo wangu. Sa inga Nda konzya kuzunda? Sena inga Nda musiya mweenzuma? Sena inga Nda basiya balongwe bangu banyika? Sena inga Nda uzabuka munyinda uli kulaale, mu Nyika ya Cisyomezyo oko Leza nkwa kasyomezya? Sa Njo oba Kalebi, sa Njo oba Joshua mu makani aakale aa ciindi? Sa Njo oba Kalebi na Joshua mu mabbuku aa Leza? Na, Ndi laba, sunumasiku, kubbingizya bupange bwangu, bwa bukansu bwayelo, a kujoka?” Leza, kogwisya ceeco kuzwa ku mwaalumi a mwanakazi oonse, a kubabamba kusala, ku bubambila Kristo sunumasiku. Sa inga watambika janza lyako? Ndi... Umwi umbi. Leza aku longezye. Nda kubona kusule okuya.

155 Umwi umbi? Uli anze, unga weenda ku mpulungwido kubusena bumwi? Mpawo bikka janza lyako aa mpulungwido, kwaamba kuti, “Ndila bamba muzeezo wangu kuli Kristo. Ndili ku Kadeshi-bania, Mukwesu Branham.”

156 Sena kuli umwi umbi omuno uyanda kucicita? Sa kuli sikuwa unga wati, “Nila bamba muzeezo wangu, sunumasiku. I nzila zya sikubisya nziyumu. Nse kabelekelile inyika alimbi. Kuzwa busiku obu, kuzwidalino, Njo belekela Kristo. Nda bamba muzeezo wangu lino. Ndila tambika janza lyangu. Nda kali sizibi. Lino Nda kali Munakristo, pele Nda kawa, nkabela Ndi yanda Leza abe siluse kuli ndime.”

157 Sa kuli umwi awa sunumasiku, uuli Munakristo, uuli mwaalumi na muntu wa Leza, pele wakali mulenga mu Nzila, tona cita mbuli Leza mbwaka kwaambila, wa kali atala ansi, wa kaswiilila ku zintu nzota keelede kuswiilila, waka cita zintu nzota keelede kucita, nkabela uyanda Leza kuti akujatile, alimwi uyanda kutalika kupya kuzwida sunumasiku, sena ula bamba muzeezo wako kuli Leza ndyoonya lino a kuti, “Njo cicita”? Sa inga watambika janza lyako? Leza aku longezye. Leza aku longezye, yebo, yebo, yebo. Oh, eco ncibotu. Yaa.

158 Kufumbwa muntu umbi uyanda kutambika janza lyakwe? Ndi yanda kuti utambike janza lyako. Oko nkubamba kwako, kuli Leza. Leza ulili bwene janza lyako. Yebo wati, “Mbubotu nzi

eco nco cicita?” Oh, katambike janza lyako lyalulyo ciindi cimwi, kuli Leza, akuyo ziba nco cicita. Katambike janza lyako lyalulyo, mu nkuta, konkezya bubeji, kabone ceeco ciyo kucitikila, uyo kwempwa kuli ncico. Tambika janza lyako kuli Leza a kubamba cikonke, elyo mpawo langilila ikuti na Muuya Uusalala tauka kujati kuli ncico. Cindi Leza nali ku mulyango wa moyo wako, kobamba muzeezo wako.

¹⁵⁹ Uli ku Kadeshi-bania. Mpaawo alede cilongezyo coonse eco Leza nca kakusyomezya. Mpaawo alede lubukulusyo lwa ciyanza cakale. Mpaawo alede lutangalo, luumuno, kukkazikamoyo, bubotu, buuya, lubombo, lukakatilo, kalubikkidwe kumbele lyako, nkabela wakacilwa ku zikona. Nzi zyako. Leza waka zisyomezya nduwe. Sena ula ziyanda?

¹⁶⁰ Sa kuli mukwasyi ano, utandila kumwaika? Mula kazyanya a kukwankana, nkabela mulizi kuti ta mweelede kucicita. Ula fwabweeme, nzila mbo lilemeka ku mukaintu wako, na mulumi wako, eno uyanda Leza, sunumasiku, ku luzyalo Lwakwe, ku kupa luzyalo lwa kuzunda, kuyo gwambatila mulumaako na mukaziwako, akuti, “Oyandwa, ku luzyalo lwa Leza, kuzwa sunumasiku kuyabuya, muzeezo wesu, ‘Njo ponena Leza.’” Tambika janza lyako. Sa kuli mukwasyi? Nyoonse a mitwe yanu kiikoteme lino. Tambika buyo janza lyako. [Kabeela katakwecintu aa teepu—Mul.] Ndili lumbide kapati kuti takukwe. Pele ikuti na nkouli, Leza ulizi nzila ya kumamela zintu zyoonse.

¹⁶¹ Sa kuli muntu awa sunumasiku wakaciswa, kwa ciindi cilamfu, elyo ndiza uboneka mbuli kuti waka kombelwa, pele to jisi lusyomo lwa kuzunda, pele ndyoonya lino kobamba muzeezo wako akuti: “Mwami Leza, kuzwida ku oora eli ndilyonya Njo Ku belekela, alimwi Ndila zwa awa kuyoopa bumboni ku luzyalo lwa Leza kuti kwiinda ku mibunda Yakwe Nda ponesegwa, alimwi Ndiyo cisyoma kuzwa busiku obu kuyabuya.” Leza aku longezye, amulindu. Leza aku longezye, omunene. Leza aku longezye, a yebo. Ncibotuloko. Mbo kweelede. Ndila kukombela mu maminiti masyoonto. Ndila lombwa Leza kuti acipe kuli nduwe.

¹⁶² Nda libuzya, sunumasiku, ikuti na umwi wa bantu uutali Munakristo, uyanda kusika ku cipaililo a kufugama? I cipailo cili jukide. Ikuti na uyanda kukomba mupailo ujukide kuli Leza, cipaililo cili jukide. Kuli sikuwa na wa muntu sikweenda, kufumbwa mbwanga waba, cipaililo cili jukide. Uli tambwidwe. Uli ku Kadeshi. I lubeta luli mukucitika. Leza uliimvwi a maboko kaatandabikidwe, kaalibambilide.

¹⁶³ Oyo muntu ucisidwe inga wayanda kwiimikila ku matende aakwe, kukubamba kulyaambilila kubuleya kuti lino watambula Kristo mbuli Musilisi wakwe. A kuti, “Kuzwa busiku obu kuyabuya, Njo musyoma Leza,” a kuba bapailila.

Ikuti na ula yanda, uli tambwidwe kwiimikila ku matende ako. Yaa.

Nyotatwe muliimvwi. Kamu ciimvwi buyo, ikuti na mula konzya.

¹⁶⁴ Lino, Taata Wakujulu, kuciindi nobali ku matende abo, Muuya Uusalala wali kukanana. Lino Nda Ku lombaa, Taata Wakujulu, kuti luse Lwako lupegwe ku muntu oyu, bobilo babo, a mwanakazi oyu, a mwaalumi oyu umbi wazwaa kwiimikila. O Leza Utamani, ku mibunda ya Mwami Jesu Kristo, ba kaponesegwa. Leza, wa cileta ansi. Wa cibamba kasimpe ku bantu. Lino Nda lombaa... Mwami, Wa kati, "Taakwe muntu ukonzya kuboola kuli Ndime, citakuti Taata Wangu wamukwela." Kwaloo lino Muuya Uusalala wakanana kuli mbabo, nkabela taakwe cimbi cikonzya kucitwa. Ba bamba muzeezo wabo, kuti sunumasiku ba Ku zumina mbuli musilisi wabo. Alimwi bala zwa mu cikombelo eci kabasyoma kuti bayooba kabotu mbuli lyonse a kuponesegwa.

¹⁶⁵ Mwami, taci konzyi kukakilwa, mbuli Leza mbwa takonzyi kukakilwa. Tula mvwisya kuti taakwe muntu weelela kwiinda mbwabede majwi akwe. Lino sunumasiku, bala syoma nkabela batambula. Lino bala kutambula, Mwami, mbuli Mbwe bakombela mupailo oyu wa lusyomo, mu Zina Iya Kristo. Amen.

¹⁶⁶ Inga mwa kkala. Leza amuku longeye. Amu syome a myoyo yanu yoonse, mapenzi anu amana.

¹⁶⁷ Mbangaye ba Mu yanda abayanda kumaccing'a kuya ku Zioni a Nguwe? Atwa abone maanza anu mujulu. Eco ncibotuloko. Takukwe makani ambungano njozulilwa. Yaa.

¹⁶⁸ Atwi imikile ku matende esu lino kuciindi no twiimba lwakuti *Ko Tolelela Zina Iya Jesu*. Ncibotu, omucizi, walombwa utupe...

... i Zina Iya Jesu...

¹⁶⁹ Lino cenguluka usukane maanza a muntuumwi uli mumsi lyako. Tambikizya ncobeni a kusukana maanza.

... wa mapenzi;

Liyo kupa lutangalo a kuumbulizigwa,
Ko Li bweza koonse nkoya.

O Zina liyandisi, (Zina Liyandisi!) O mbolili
bbotu!

Bulangizi bwa nyika alutangalo lwaku Julu;
Zina liyandisi, (Zina Liyandisi!) O mbolili
bbotu!

Bulangizi bwa nyika alutangalo lwaku Julu.

¹⁷⁰ Boonse abo ba Mu yanda, mubupati, a myoyo yanu yoonse, a buntu bwanu boonse, a mizeezo yanu yoonse, a nsana zyanu zyoonse, tambika janza lyako mbuli *boobu*, a

kwaamba, “Alumbwe Mwami.” [Mbunga yaamba, “Alumbwe Mwami.”—Mul.] Eco ncibotu. Yaa, lino:

Ku Zina lya Jesu kukotama,
Kuwa cakufugama ku matende Akwe,
Mwaami wa bami . . .
Cindi lweendo lwesu lwaakumana.
Zina liyandisi, O mbolili bbotu!
Bulangizi bwa nyika alutangalo lwaku Julu;
Zina liyandisi, O mbolili bbotu!
Bulangizi bwa nyika alutangalo lwaku Julu.



56-0527 Ku Kadeshi-Bania
Branham Tabernacle
Jeffersonville, Indiana U.S.A.

CHITONGA

©2026 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubeleseghwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org